

欽定大清會典事例

欽定大清會典事例卷四百八十三

禮部

喪禮

孝儀純皇后大喪儀

孝儀純皇后大喪儀。○乾隆四十年正月二十九日。  
孝儀純皇后崩時在

皇貴妃位奉

諭。皇貴妃薨逝。著稱令懿皇貴妃。依例輟朝五日。派皇  
六子皇八子皇十二子皇十五子皇孫綿德綿億綿  
惠九公主額駙拉旺多爾濟扎蘭泰及丹巴多爾濟  
豐仲濟倫等。並派皇六子尚書永貴內務府大臣

金簡經理喪儀。○又

諭。皇貴妃薨逝。例應素服十日。今已擇於二月初五日移殯靜安莊。所有初六日經筵典禮。仍照常舉行。至初七八等日。適屆恭祭

社稷壇齋戒。其應行陪祀執事大臣官員。著於初七日起。即穿用常服朝珠。餘仍穿足素服十日。○二月初三日。行奉移禮。陳饌筵七席。羊五。酒五尊。楮錠楮帛各七千。和碩親王以下奉恩將軍以上。覺羅民公侯伯以下。佐領等官以上。固倫公主和碩福晉以下。縣君鎮國將軍妻以上。覺羅民公

侯伯大學士都統尚書子爵妻以上均集序如儀。○初五日奉移。

金棺至靜安莊。衆跪迎舉哀奉安。

金棺於正殿奠酒三爵。焚楮錢畢。衆各退。○十五日行

初祭禮。設引幡一。饌筵三十五席。羊二十一。酒

二十一尊。餼食五槽。楮錠楮錢各八萬九千五

百。畫緞千端。楮帛九千。屆時齊集供茶飯畢。讀

祝官讀祭文。

皇子詣奠案前跪。衆隨跪。讀文畢。

皇子奠酒三爵。每奠行一叩禮。衆隨行禮。

皇子退。至原立處舉哀。讀祝官恭奉祭文。禮部堂官前引。送至燎所。內管領妻奉

冠服筐出。內監前引。

皇子跪候過。成服。婦女俱跪候過。隨送至燎所。

皇子福晉奠酒三爵。每奠行一拜禮。成服。男女均隨行禮。起立舉哀。禮畢各退。次日繹祭。陳饌筵七席。羊三。酒三尊。楮錠楮錢各七千五百。總理喪儀。王大臣並執事人等齊集。行禮如儀。二十五日。行大祭禮。與初祭儀同。次日繹祭。與前繹祭儀同。又奏准。行贈諡禮。讀文致祭。

衆咸齊集。鑾儀衛官豫於

午門前設綵亭二。正副使大臣恭奉

冊

寶安設綵亭內。各行三叩禮。校尉舁亭行。黃蓋

御仗前導至

靜安莊大門外。正副使大臣恭奉

冊

寶由中門入。陳於案。

冊左

寶右。宣讀官以次宣讀

冊文

寶文畢。讀祝官讀祭文。正使詣奠案前跪奠酒。三爵畢。冊

寶祭文恭送燎所。衆各退。○二十七日。行滿月禮。

高宗純皇帝親臨靜安莊奠酒。親王以下佐領等官以上。公主福晉以下子爵妻以上。咸齊集。陳饌筵十一席。羊五。酒五尊。楮錠楮錢各萬。二滿月。三滿月。陳設禮儀均與初滿月同。○五月初九日。行百日禮。陳饌筵十五席。羊七。酒五尊。楮錠楮錢各二萬五千。讀文致祭。陳設儀仗。衆咸齊集。

○又奏准

令懿皇貴妃神牌請照例令欽天監選擇吉期交與工部豫期派員前赴

孝賢皇后陵寢配殿內敬謹製造工竣日供奉本處明黃案上

陵寢官員敬謹看守其座墊帷幄帳幔等項並一應供用器皿照例交各該處豫備○八月

諭皇貴妃金棺於今冬送至勝水峪入寶城著該衙門於十月內擇日照例舉行○十月十八日行奉移禮陳饌筵十五席羊七酒七尊楮錠楮錢各一萬

八千五百。和碩親王以下。佐領等官以上。公主。福晉以下。子爵妻以上。咸齊集。

金棺過。跪送舉哀。總理喪儀王大臣暨派出大臣官員。人等均隨行恭送。沿途設。

蘆殿朝夕奠供果饌。

皇子祭酒行禮如儀。二十四日。

金棺至陵。不直班之貝子大臣官員。俱於興龍口外道。右跪迎舉哀。候過隨行。

金棺安奉於。

大殿之西。

蘆殿每日供果饌奠茶酒。送往之王公大臣官員並在陵貝子大臣官員等均齊集行禮。二十五日。以次日金棺奉安。遣官告祭。

孝賢皇后陵寢。○是日

金棺前致祭。陳饌筵十三席。羊五。酒五尊。楮錠楮錢各一萬五千。儀與奉移同。○二十六日。恭奉

金棺奉安於石牀。奠酒三爵。衆隨行禮。禮成各退。○是日卯時。

神牌書寫埽青。內閣禮部堂官各一人朝服行禮。奉安禮畢。由在

陵首領太監恭請

神牌安奉於

饗殿西間暖閣

神龕寶座。行三叩禮退。

陵寢官員朝服行禮如儀。○四十一年。行初周年禮。於方城前讀文致祭。祭文由翰林院撰擬。一應供獻。陵寢大臣照例辦理。致祭時。

孝賢皇后

慧賢皇貴妃

哲潤皇貴妃

淑嘉皇貴妃前各供饌筵一。果饌一。羊一。○六十  
年九月初四日

諭皇太子生母令懿皇貴妃著贈為孝儀皇后升祔  
奉先殿。列孝賢皇后之次。其應行典禮該衙門查照定  
例具奏。○初八日奏准

冊諡

升祔禮儀。豫期交欽。天監選擇各吉期。絹

冊絹

寶。並

奉先殿

陵寢饗殿神牌。交該衙門承辦。前期遣官告祭。

天

地

太廟後殿

奉先殿。

冊諡吉期。派正副使二人。承祭官一人。前往。

陵寢讀文致祭。

升祔

奉先殿典禮。由內務府備辦。

冊文

寶文祭文。交翰林院撰擬。內閣繕寫。遣官由太常寺內  
務府奏派。○十一日奏准。

升祔

奉先殿並

陵寢饗殿神牌。據欽天監選擇得九月二十八日卯時

恭造

神牌吉等語。應照依所擇吉期。

奉先殿神牌。交工部會同內務府在

奉先殿神庫內敬謹監視製造。

陵寢饗殿神牌。交

陵寢禮部工部在

饗殿配殿內敬謹監視製造所有

奉先殿

陵寢饗殿應用神龕寶座及一切供器交工部內務府

豫期敬造至製造二處

神牌例應派禮部工部堂官分往行禮○十月二十六

日

升祔

奉先殿神牌書寫埽青禮部工部堂官各一人朝服帶

領善寫清字中書一人善寫漢字翰林官一人

至

神牌前。點香燭。禮部工部堂官行一跪三叩禮。將贈諡清漢字樣。敬謹書寫。埽青訖。復行一跪三叩禮。禮部堂官恭奉。

神牌。奉安於

神庫正中黃案上。行一跪三叩禮。退。○二十七日。行恭題。

神主禮。工部豫設黃案一於左。禮部堂官恭奉神牌。奉安於題。

主案。倚供黃褥枕上。跪叩如儀。滿漢大學士二人朝服。

詣案前行一跪三叩禮興將清漢

神字點上石青填點畢奉

神牌於案上行一跪三叩禮退即

升祔於

奉先殿

詳見內務府

○是日行

冊諡禮前期於二十四日鴻臚寺官設

冊

寶案於

太和門階上絹

冊案左絹

寶案右。鑾儀衛官設

冊

寶綵亭於階下正中。

冊亭在前。

寶亭在後。正副使並執事大臣官員等俱朝服。立於階

下之左。內閣大臣奉

冊

寶連匣設各案上。禮部堂官引正副使由東階升。詣

冊

寶案前。各行一跪三叩禮。正使奉

冊副使奉

寶由中階降。恭設綵亭內。行一跪三叩禮。校尉昇亭。

冊前

寶後黃蓋

御仗前導禮部官十員前引。由中路出。至

東華門外。前引官止。正副使及有執事各官俱隨行。

冊

寶亭出朝陽門外。至慈雲寺。更換民夫昇擡。其民夫按站更換。仍派校尉四名沿途照料。分為三站行。

走。每站歇宿之處。該地方官搭蓋綵棚安奉。

冊

寶亭至石門。令

陵寢校尉舁行。是日內務府奉祀官恭請

孝儀皇后神牌奉安於

孝賢皇后寶座之次。陳設如儀。

陵寢工部豫設

冊

寶案各一於左右。設香案一於正中稍前。設祝案一於

左。正副使及隨往官員等至。應下馬處下馬。步

行跟隨。校尉昇。

冊

寶亭。由。

孝賢皇后陵寢御路。至。

大宮門外。黃蓋。

御仗止。正副使詣亭前行一跪三叩禮。正使奉。

冊。副使奉。

寶。由中路進。至。

殿門止。

冊

寶授內監奉安於左右案。正副使俱行一跪三叩禮。贊引官贊上香。正使由右門入。詣香案前上香。退立。贊宣。

冊內監奉

冊授宣讀官。立殿門外之東。北面宣訖。內監仍復於案。

贊宣

寶內監奉

寶授宣讀官。立殿門外之西。宣如前儀。正副使跪叩如初。退出。贊引官二人。引承祭官朝服就拜位。陪祭官按位序立。隨行禮。上香奠帛讀祝三獻爵。

俱如

皇后陵寢大祭之儀禮畢。

冊

寶同祝帛送燎所恭請

神牌奉安於正龕

孝賢皇后之次禮成。○嘉慶四年九月初六日恭上  
孝儀皇后尊諡曰

孝儀恭順康裕慈仁翼天毓聖純皇后。○十五日。

高宗純皇帝梓宮奉安

地宮。

孝儀純皇后尊諡

冊

寶隨

高宗純皇帝

孝賢純皇后尊諡

冊

寶。以次奉安於

地宮石几上。○十九日。

升祔

太廟。翼日頌

詔布告天下。

欽定大清會典事例卷四百八十四

禮部

喪禮

孝淑睿皇后大喪儀

孝淑睿皇后大喪儀。○嘉慶二年二月初七日。

孝淑睿皇后崩。欽奉

高宗純皇帝敕旨。本日未刻。嗣皇后薨逝。所有應行典禮。原當照例舉行。但皇帝侍奉朕躬。而臣民等亦皆禮統於尊。著改為輟朝五日。皇帝穿素服七日。遇有奠醑。再行摘纓。俟日送奉。移靜安莊後。皇帝即換常服。回圓明園。皇帝之皇子公主福晉及派出穿孝之

王公阿哥等。均照例成服。所有王公大臣及官員兵民人等。俱素服七日。不必摘纓。照常雜髮。並著派怡親王永琅總管內務府大臣。盛住禮部侍郎鐵保工部侍郎成德。總理喪儀。其餘典禮。著各該衙門察例辦理。○又奉

仁宗睿皇帝諭。本日皇后薨逝。一切典禮。仰蒙皇父太上皇帝特降

教旨。加恩照皇后例舉行。第思朕日侍聖慈。一切稟承

睿訓。所有輟朝期日。各衙門章疏及引見等事。仍著照

常呈遞。王公大臣官員等。雖有素服之例。但皇后冊立。甫及一年。母儀未久。且昕夕承

歡。諸取吉祥。此七日圓明園直日奏事之王大臣等及引見人員。俱著常服。惟不挂朝珠。此禮以義起。天下臣民等。自當共喻朕崇奉

皇父孝思。敬謹遵行。副朕專隆尊養至意。○初八日。謹  
遵

敕旨奏准。

皇帝穿素服七日。輟朝五日。

皇帝宮之

妃

嬪。於祭禮後釋服。

皇帝之皇子公主。福晉。剪髮截髮。辮成服。百日後易素服。其女子內監等。剪髮截髮。辮成服。百日後釋服。薙髮。王以下官員以上。二十七日內不嫁娶。不作樂。軍民人等。七日內不嫁娶。不作樂。斂奠及每日三奠。和碩親王以下。奉恩將軍以上。覺羅民公侯伯以下。佐領等官以上。咸齊集。朝夕奠。福晉以下。縣君鎮國將軍夫人以上。及一二品命婦均齊集。奉移後惟祭日齊集。○奉安

梓宮於

吉安所設

几筵建丹旒於

內門外之右。○十一日。行殷奠禮。工部設幕於

几筵殿門外。置奠几。陳燎牀於燎所。具楮帛。設祭文案於檐下。少東。鑾儀衛官校陳

儀駕。內監陳

冠服於供牀。治喪儀王大臣內務府總管率執事官陳

果筵於

几筵前。列饌筵於門外左右。置羊酒於幕內。讀祝官奉

祭文禮部堂官二員導引。由中門入設於案。和碩親王以下奉恩將軍以上。覺羅民公侯伯以下。佐領等官以上。於大門外齊集。福晉以下。縣君鎮國將軍夫人以上。及一二品命婦於二門內齊集。

仁宗睿皇帝駕臨御座。

皇子以下內外齊集者舉哀。尚茶女官獻茶。尚膳女官上膳。執事官進奠。凡讀祝官恭奉祭文於檻外正中跪。內閣學士二員恭展祭文。

皇子詣奠案前跪。眾隨跪。止哀讀文。內監跪奉爵。

仁宗睿皇帝三奠爵。

皇子以下皆行三叩禮。乃徹奠。

皇子避立於左。王以下各退。讀祝官奉祭文。禮部堂官二員前導。送至燎所。首領內監接奉。內務府大臣命婦內管領妻奉。

冠服篚出。

仁宗睿皇帝還宮。

皇子跪候。

冠服篚過興。

皇子福晉隨行。齊集之命婦。皆於其位跪候過興。

隨行至燎所送燎。

皇子福晉跪命婦跪進爵。

皇子福晉祭酒三爵。每祭行一叩禮。衆隨行禮畢。皇子返苦次。衆各退。○十二日。行啟奠禮。陳設如儀。衆俱齊集。屆時。

皇子詣

几筵前西嚮舉哀。衆隨舉哀。獻茶上膳。讀文畢。內監跪進爵。

皇子祭酒三爵。每祭行一叩禮。衆隨叩興。乃徹奠。餘儀俱與殷奠同。○十三日。奉移。

梓宮於

靜安莊。工部內務府。豫將帳幔供牀案几等項移  
出送往。工部備大昇舉及小舉。上駟院備馬四  
十匹。駝包十八副。鑾儀衛全設儀仗。工部豫備  
綵亭。恭昇

梓宮人等。共分十三班。每班八十人。備班八人。初班末  
班用校尉。由鑾儀衛派出。其中十一班用民夫。  
由工部行文五城兵馬司選派。均衣駕衣。分立  
俟。屆時。

皇子詣

梓宮前舉哀。祭酒三爵。每祭一叩興。立於左。衆隨叩興。  
焚楮帛。

皇子奉金

冊

寶陳於綵亭。校尉舁行。治喪儀王大臣。禮部工部內務  
府鑾儀衛大臣。率執事官校進小舉。恭奉

梓宮啟行。

皇子西面跪。舉哀候過。隨行。

梓宮登大昇輦。

皇子近前跪。祭酒三爵。禮部堂官奉爵。每祭行一

叩禮興。焚楮帛。初班校尉恭昇儀駕前導。

皇子於

梓宮左步行恭送。頭目四人穿孝服。擊響尺。每班自公侯伯頭等待衛以下。參領輕車都尉以上。並給事中。御史。郎中。員外郎等官內。派每班各四員管轄。鑾儀衛官四員。指示進退。治喪儀王大臣禮部。工部。內務府及恭送之王貝勒。貝子。公等夾道隨行。包衣佐領管領下一百八十名婦女乘馬隨後行。其次兵仗隨行。其次王公內大臣

侍衛隨行。大臣官員在地安門內齊集。

梓宮至。跪迎舉哀。候過隨行。昇丹旒分為十三班。每班三十二人。備班四人均衣駕衣。每班部院官包衣官各四員。分作二班隨行。揚撒楮錢。經過門橋。內大臣祭酒三爵。工部官焚楮帛。凡

皇后御用器物。均恭奉在儀仗兩旁隨行。內務府郎中員外郎佐領管領二十員。分班照料。喇嘛一百八名。豫往

靜安莊大門外西旁。恭迎

梓宮。豫行安設鷹狗於大門外。

梓宮至

靜安莊。由大昇舉升小舉。

皇子於大門外之左。跪迎舉哀。衆皆跪舉哀。

仁宗睿皇帝之

妃

嬪及公主

皇子福晉

皇后親戚至

几筵殿內。王福晉及一二品命婦等。豫至二門內齊集。

跪迎舉哀。校尉恭昇

梓宮由中門入。

皇子隨入。王以下等官於大門外按班序立。治喪儀王大臣率官校奉安。

梓宮於正殿設幔帷等項。丹旒於大門外西邊安放。儀仗於大門外兩旁陳設。小儀仗於二門內兩旁陳設。

梓宮前兩旁設

冊

寶案各一。內務府大臣奉

冊

寶設於案。

皇子詣前祭酒三爵。禮部堂官奉爵。每祭一叩。衆隨行禮。徹饌。焚楮帛丹旌。

皇子居側殿。苦次。衆各退。○奉移後。

梓宮前每日三次照常供獻。陳設小儀仗。俟滿月祭畢。停止陳設。至祭日仍陳設儀仗。內門令太監看守。外門令內大臣散秩大臣看守。交領侍衛內大臣辦理。周圍班房派八旗章京護軍看守。交護軍統領辦理。大牆外周圍八旗驍騎營兵丁看守。交八旗都統辦理。○十四日。交內閣撰擬

皇后謚號進呈

欽定。○十八日。行初祭禮。設儀仗。陳羊酒饌筵楮帛如數。咸齊集。讀文致祭。

皇子奠酒行禮。儀與啟奠同。○次日。繹祭。陳設與初祭同。惟不讀文。不齊集。禮部。工部。內務府。光祿寺。堂屬官執事。禮部。堂官。奠酒。內務府。輪班一旗。婦女齊集。○二十四日。奏准。

梓宮自三月初九日起。照例漆飾。○二十五日。行大祭禮。衆俱齊集。讀文致祭。陳設禮儀。與初祭同。

仁宗睿皇帝親臨奠酒。儀同殷奠。○次日。繹祭。陳設禮

儀與前繹祭同。○三月初二日題准。恭上

皇后尊諡。所有香

冊香

寶絹

冊絹

寶及盞祇等項。交工部製造。

冊

寶製造完竣。由工部送內閣繕寫填青。告祭

太廟及讀祝宣

冊宣

寶各事宜。交太常寺辦理。致祭。

奉先殿各事宜。交內務府辦理。告祭祭文及

冊文

寶文

冊諡祭文。交翰林院撰擬。○初七日。行滿月禮。儀與初

祭同。惟不讀文。○初八日。行清明禮。設儀仗。陳  
羊酒饌筵如數。進挂寶花一座。不設

冠服。不讀文。不焚楮錠。照常齊集。

皇子奠酒行禮如儀。○四月初七日。行二滿月禮。  
儀同初滿月。自是每滿月致祭同。其滿月禮致

祭如遇立春等節日期。即移於前一日致祭。若遇大暑。楮錠存於中元節焚化。

几筵前停止安設

冠服。○五月十四日。行百日禮。設儀仗。陳羊酒饌筵楮帛如數。讀文齊集。

仁宗睿皇帝親臨奠酒儀。與大祭同。自百日後至周年。每日仍三次供獻。初周年後至三周年。每日午供果筵一次。○十九日。以次日行

冊諡禮。遣官告祭

太廟後殿

奉先殿。○二十日。冊諡

大行皇后曰

孝淑皇后。

殯宮前陳

儀駕設

冊

寶案各一。香案一於

几筵前。又設祝案於左。設案一於左近檻。內務府官設

祭品。陳帛匣。點香燭。鴻臚寺官設

冊

寶案於

太和門階上。

冊案左。

寶案右。鑾儀衛官設

冊

寶綵亭各一於階下正中。

冊亭在前。

寶亭在後。正副使並執事官員等俱常服挂朝珠序立於階下之左。內閣大臣奉香

冊香

寶連匣列各案上。行一跪三叩禮。退立階下之左。禮部堂官奉絹。

冊絹

寶連匣豫設綵亭內。陳設畢。禮部堂官引正副使由東階升。詣

冊

寶案前各行一跪三叩禮。正使奉

冊副使奉

寶由中階降。設綵亭內。行一跪三叩禮。興。校尉昇亭。

冊前

寶後黃蓋一柄。

御仗二對。禮部司官十人前引。由中路由。正副使隨後行。內大臣侍衛均常服挂朝珠。於

午門內金水橋兩旁。王以下奉恩將軍以上。於

東華門內。滿漢四品官以上。於

東華門外。按翼排立。

冊

寶亭至。皆跪。候過隨行。

冊

寶亭出安定門。至

暫安殯宮。

皇子素服於大門外跪迎候過。入左門祇候。王以下內大臣侍衛及滿漢四品以上官俱素服於圍牆門外跪迎。正副使及執事官門外下馬。易素服隨行。綵亭由中門入。至二門止。黃蓋御仗俱止。禮部堂官奉絹。

冊絹

寶授內監先陳於案退。正副使詣亭前行一跪三叩禮。奉香。

冊香

寶由中路至

几筵殿檻內俱設於左旁近檻案各行一跪三叩禮正副使詣香案前立贊引官於檐下贊上香正使上香偕副使少退立贊宣

冊內監奉絹

冊授宣

冊官立檻外之東北面宣訖仍授內監復於案贊宣

寶內監奉絹

寶授宣

寶官立檻外之西宣如前儀正使奉香

冊副使奉香

寶授內監陳設於

几筵前左右案上。行一跪三叩禮。由左門退出。贊引官

二人引

皇子於殿外拜位立。鴻臚寺官引王以下入。八分  
公以上於二門內。引內大臣侍衛滿漢四品以  
上官於大門外。按翼序立。

皇子上香。奠帛讀祝。三獻爵。行禮如儀。衆隨行禮  
畢。內監奉絹。

冊

寶帛匣祝版授執事官送燎所禮成所有

梓宮前原安全

冊

寶內務府官恭儲內庫。○七月十五日行中元禮設儀仗陳楮錠五萬楮錢五萬饌筵十一席羊五酒五尊齊集讀文承祭王奠酒行禮儀與初祭同。○十七日奏准八月十三日

萬萬壽聖節並十月初六日

萬壽聖節穿蟒袍補服吉日內

几筵前照常三次供獻停止舉哀。○十月二十三

諭。向來忌辰。禮部例應進單。明年二月初七日孝淑皇后忌辰。止須在朕處進單。

太上皇帝御前。不必呈進。又是日各部院大小官員在衙門辦事者。照例穿用素服。其在

太上皇帝前隨侍行走及伺候

召見引

見者。照常穿天青褂。挂朝珠。十一月初四日。恭直

圍丘大祀齋戒之期。豫於十月三十日。行冬至禮。設儀

仗。陳楮錠三萬。楮錢楮帛各萬。饌筵十一席。羊

三。酒五尊。齊集讀文。

皇子奠酒行禮。儀與中元同。惟內外停止舉哀。○  
十二月二十九日。恭直禘祭。

太廟齋戒之期。豫於二十五日行歲暮禮。

皇子奠酒行禮。一應陳設禮儀。與冬至同。○三年  
元旦。

殯宮几筵前。照常供獻。停止舉哀。四年五年  
元旦同。○二月初

七日。行周年禮。設儀仗。陳饌筵十一席。羊三。酒  
五尊。讀文齊集。

皇子奠酒行禮。儀與初祭同。○周年後至三周年。  
每滿月致祭。陳羊三。酒三尊。饌筵五席。楮錢五

千。楮錠五千。照例停止齊集暨陳設儀仗。○十  
九日行清明禮。儀與周年同。○七月十五日。行  
中元禮。儀與二年中元同。○十一月初九日。行  
冬至禮。儀與上年冬至同。○十二月二十五日。  
行歲暮禮。儀與冬至同。○四年二月初七日。行  
二周年禮。儀與周年同。○四月二十九日。行服  
闋禮。齊集讀文。

仁宗睿皇帝親臨奠酒。陳設禮儀與百日同。

皇子及

皇子福晉均釋服。○是年。清明中元冬至歲暮致

祭均與三年致祭禮同。○五年二月初七日行三周年禮。儀與二周年同。○三周年後所有每滿月致祭。及每日奠獻均行停止。其四時大祭並忌辰禮致祭。不陳冠服。不設楮錢。不齊集。

儀駕照舊陳設。供饌筵一席。大果筵一席。羊一。讀文舉哀致祭。仍照三周年禮行。清明供寶花一。座。除夕陳楮錢二萬。楮錠二萬。同寶花焚化。每月朔望。供饌筵一席。常果筵一席。羊一。停止舉哀。凡遇慶典告祭。照

殯宮告祭例舉行。大祭日派承祭王。並派禮部工部內

務府堂官各一員。前往照料。祭文由翰林院撰擬。○六年五月初六日奏。先准內務府文稱。

孝淑皇后升祔

奉先殿奉

旨俟過

高宗純皇帝二十七箇月後。再行請旨。恭查康熙十三年五月初三日。

孝誠仁皇后升遐。於十四年正月在沙河

殯宮行題

主禮。

升祔

奉先殿二十年三月初八日奉安再查

孝賢純皇后於乾隆十三年三月十一日升遐十七年

十月初八日

升祔

奉先殿是月二十七日奉安今

孝淑皇后升祔典禮或照康熙十四年之例豫於

殯宮敬製

神牌行題

主禮

升祔

奉先殿。抑或照乾隆十七年之例。俟奉安有期。舉行

升祔。伏候

訓示。遵行。奉

旨。著照康熙十四年例。○十六日奏准。

升祔

奉先殿神牌。今據欽天監選擇得五月二十日卯時製

造吉。應照所選吉期。令工部於

靜安莊配殿敬謹製造。禮部及工部堂官前往行

禮。俟

神牌告成後行題

主禮。

升祔

奉先殿。再查乾隆十七年

孝賢純皇后升祔

奉先殿。凡

前殿致祭時。恭奉

神牌於東次第三間東位西嚮。祝版內不書

諡號。今

孝淑皇后神牌。按照昭穆位次。應供奉於

後殿西次第三間寢室。

前殿祭祀時亦應請供奉於西次第三間西位東嚮。遇  
皇帝親詣

奉先殿日於各

神位前上香行禮畢再於

孝淑皇后神位前上香祝牌內不書

諡號。○八月初九日奏准

神牌於十八日書寫埽青。○二十一日行恭題

神主禮陳

儀駕於

殯宮大門外。

几筵殿正中設黃案一。案前設香燭黃案一。階上設奉

安

神牌儀輿一。屆吉時。派出奉

神牌之大臣。朝服至

配殿恭造

神牌處詣

神牌前跪。上香行三叩禮。興。恭奉

神牌。禮部堂官前引。至

几筵殿。奉案上跪。上香復行三叩禮。派出點

主之滿漢大學士二員。穿朝服。盥手。詣

神牌香案前。行一跪三叩禮興。敬謹於滿漢

神字點上。用石青填點訖。復行一跪三叩禮興退。奉

神牌之大臣。詣香案前。行一跪三叩禮興。恭奉

神牌。奉安儀輿內。復行一跪三叩禮。校尉舁輿行至

東華門外。停止儀仗。王以下滿漢文武官員。俱朝

服。跪迎。候過興。

御仗一對。曲柄繖一柄。導儀輿入

東華門。

皇子在

東華門內跪迎候過興贊引對引各官恭導隨行

至

誠肅門。

升祔

奉先殿奉安行禮致祭均如儀。○八年四月初七日奏  
准。

梓宮於本年十月二十二日奉安

地宮其永遠供奉

陵寢饗殿

神牌。理應前期恭造。又

恕妃金棺同日奉安

園寢亦應於

園寢配廡恭造

神牌均應由欽天監選擇吉期工部派員前往敬  
謹製造

神牌字樣均由內閣撰擬其

神龕寶座衾枕帷幔香案供器並

恕妃椅座衾枕帷幄帳幔等項均由工部豫行備

辦屆期奏派禮部工部堂官各一員前往

陵寢配殿行禮

陵寢官員敬謹監視製造。至

恕妃神牌。令

園寢官員敬謹監視製造。俟修造漆飾告成之時。暫供奉於

陵寢配殿

園寢配廡。各該處官員敬謹看守。至

神牌書寫埽青。俟欽天監謹擇吉期到日。奏派禮部工

部堂官各一員。帶同善書清字中書一員。善書

漢字翰林院官一員。前往恭寫。奏派大學士二

員朝服行禮。並謹擇

恕妃神牌刻字填青吉期。字樣由內閣繕寫刻字時。奏派內閣禮部大臣各一員。朝服行禮工竣日。

孝淑皇后神牌暫安於

陵寢配殿黃案上。

陵寢官員敬謹點香燭供奉。

恕妃神牌暫安於

園寢配廡金黃案上。

園寢官員敬謹點香燭供奉。俟冬至大祭吉期恭

請奉入

陵寢

園寢饗殿。○七月初八日。恭製

孝淑睿皇后供奉

陵寢饗殿

神牌。

欽派禮部工部堂官各一員。前往行禮。○九月初三日

奉

旨。本年十月內奉安

孝淑皇后梓宮。所有隨從

梓宮各官員。俱著冠緞纓緯。藍袍青褂。遇不執事之時。

仍穿常服。○十一日奏准。

皇后送

孝淑皇后梓宮一切行禮儀節均由內務府具奏請旨。○十二日

諭。乾隆十七年十月內。

皇妣孝賢純皇后奉安地宮時。

皇考高宗純皇帝欽遵

祖制。親送視奠。本年十月二十二日。行孝淑皇后奉安地宮禮。朕於十二日至靜安莊臨送後。於十七日啟鑾謁

祖陵禮畢。至孝淑皇后奉安處親行視奠。二十五日諭。此次派出恭送孝淑皇后梓宮之三品以下文武各員。於十七日送到後。並無執事者。即著於是日回京。其無差事之兵丁夫役人等。著原帶之員即行帶回。至王公及二品以上大臣。並派有執事之官員等。俱著於二十二日奉安禮畢。先行回京。不必隨扈行走。內有御前乾清門侍衛等員。仍著隨從回京。○二十八日奉

旨。十月二十日。皇子在梁格莊接駕。著穿行衣。其應行接駕之王公大臣官員。俱著穿行衣。○十月初九日。

以十二日

梓宮奉移遣官告祭

天

地

太廟後殿

奉先殿

社稷。○十一日。行奉移禮。內務府大臣命婦率內管領妻奉

冠服篚設於供牀。工部設幕於

宮門外之東。置奠几。陳燎牀於燎所。具楮幣。設祭

文案於殿檐下少東。鑾儀衛官校陳儀仗。恭理奉安事務。王大臣內務府總管率執事官陳果筵於

几筵前。列饌筵於門外左右。置羊酒於幕內。讀祝官恭奉祭文。禮部堂官二員導引。由中門入。設於案出。近派王公等姻戚人員在二門外齊集。和碩親王以下。入八分公以上。大學士內大臣侍衛等在大門外兩旁齊集。未入八分公。民公侯伯一品大臣以下。四品官以上。間散宗室並無執事之內務府官員等在大門外兩配房前排班。

齊集五品以下有頂戴官以上閒散覺羅並內務府拜唐阿護軍等在柵欄前排班齊集均藍袍青褂。

皇子之福晉公主格格在內齊集王福晉以下一二品大臣命婦並姻戚婦女俱在二門內右旁齊集內務府佐領管領下官員拜唐阿護軍領催等妻在大臣命婦後齊集卯正初刻。

皇子青袍青褂冠綴纓由左門入立丹陛東舉哀內外齊集者隨舉哀尚茶女官獻茶尚膳女官上膳執事官進奠几讀祝官恭奉祭文於檻外。

正中北面跪。禮部堂官二員跪於兩旁。恭展祭文。

皇子詣奠案前跪。衆隨跪。止哀。讀文畢。復舉哀。

皇子奠酒三爵。每奠行一叩禮。衆隨叩。止哀。興。徹奠。

皇子退立於左。讀祝官恭請祭文。禮部堂官二員前導。送至燎所。授首領太監接奉。俟立於左。衆俱迴避。內務府大臣命婦內管領妻等恭奉。

冠服篚由中門出。首領太監前引。

皇子跪。候過興。暫退。

皇子之福晉隨行。齊集之命婦皆於原齊集處跪候過興。隨行至燎所安祭文。

冠服篚於燎牀上。

皇子之福晉跪。衆隨跪。舉哀。命婦跪進爵。

皇子之福晉奠酒三爵。每奠行一叩禮。衆隨叩止。哀興。暫退。卯正三刻。

仁宗睿皇帝由

雍和宮乘輿至

靜安莊。於丹陛正中降輿。

皇子跪迎於左。

仁宗睿皇帝御座西嚮。首領太監跪進爵。

仁宗睿白。帝執爵三奠。

皇子跪於

御座後。每奠行一叩禮。衆俱隨叩。奠畢。止哀興。

仁宗睿皇帝乘輿還宮。俟

孝和睿皇后奠酒畢。還宮始徹儀仗。各退。○十二日寅

時。奉移

梓宮。鑾儀衛陳設儀仗。工部陳大昇攀於

靜安莊宮門外。禮部內務府設

冊

寶亭於階下。恭理奉安事務大臣率官校入殿內。出黃  
幄素帷。近派王公等姻戚人員在二門外齊集。  
和碩親王以下。入八分公以上。並往送之。大學  
士內大臣侍衛等在大門外兩旁齊集。未入八  
分公。民公侯伯。一品以下。四品以上。閒散宗室  
並無執事之內務府官員等在大門外兩配房  
前齊集。其不往送之民公侯伯以下。有頂戴官  
員以上。閒散覺羅並內務府拜唐阿護軍等在  
第二班齊集。均藍袍青褂。

皇子之福晉公主格格等。在內齊集。王福晉以下

一二品大臣命婦並姻戚婦女俱在二門內右旁齊集。內務府佐領管領下官員拜唐阿護軍領催等妻在大臣命婦後齊集。

仁宗睿皇帝駕至丹陛正中降輿。

皇子跪迎於左。

仁宗睿皇帝御座西嚮。首領太監跪進爵。

仁宗睿皇帝執爵三奠。

皇子跪於

御座後。每奠行一叩禮。衆俱隨叩。奠畢。止哀興。

皇子退立於後。

仁宗睿皇帝於殿內少俟。屆時禮部內務府大臣奉香冊香。

寶於亭內。恭理奉安事務王大臣工部鑾儀衛率執事官校尉進小舉。恭移。

梓宮由中門出。內外齊集者各於其位次跪哭候過。

仁宗睿皇帝步送至宮門外。俟。

梓宮升大舉畢。

仁宗睿皇帝仍步行出西柵欄門。乘輿還宮。

皇子由左門出。豫至大昇舉之左。北面跪。候。

梓宮升大舉。禮部尚書祭酒三爵。行三叩禮。焚楮帛。

梓宮啟行。

冊

寶亭前行。校尉執

儀駕乘馬。按次前導。

皇子並王公大臣官員皆徒步舉哀隨行。所過門  
橋。遣內大臣祭酒。至第二班處。其不往送之王  
公大臣官員各跪送後。

皇子以下乃止哀。

皇子在

梓宮左邊乘馬隨行。姻戚人員在右邊乘馬隨行。派出

近前之王公大臣總管太監等在兩旁乘馬隨行。恭理奉安事務王大臣禮部工部內務府鑾儀衛大臣亦在兩旁乘馬巡查照看。至換班時皆下馬跪。俟換班畢起行時仍乘馬。昇夫日分三十班。每班派出太監六名。更換在兩旁近處徒步隨行。王公大臣官員皆於帶班侍衛後以次隨行。沿途分站。豫設

蘆殿。繞以黃幔。城網城。百步外豎下馬柱。將近末班。

皇子並王公大臣官員豫從別路先往。至後門外按翼排立。

梓宮至。跪迎。舉哀興。

皇子隨行。王公大臣官員從黃幔城兩旁牆外。繞至大門前。按翼排立。執儀仗校尉等下馬。設儀仗於大門外兩旁。公主福晉等並大臣命婦姻戚女眷豫往。

蘆殿黃幔城內。恭候。

梓宮至。跪迎。舉哀。候過興。奉安。

梓宮於

蘆殿。陳

冊

寶於左右。校尉昇夫皆出。乃行夕奠禮。

皇子奠酒三爵。每奠行一叩禮。衆皆隨行禮。舉哀。  
徹饌後。衆皆散。徹儀仗。○次早。陳設儀仗。衆照  
常齊集。各執事皆辦。

皇子行朝奠禮。奠酒三爵。每奠行一叩禮。衆皆隨  
行禮。舉哀。

梓宮出

蘆殿時。

冊

寶亭前行。

皇子並王公大臣官員。按翼排跪舉哀。候過。徒步  
隨行。至換頭班處。換班畢。止哀。仍乘馬隨行。每  
程朝夕。奠齊集行禮。一如初日。沿途三十里之  
內。地方文武官員。在道右百步外跪迎。候過。興  
隨行至宿處。在黃幔城外叩謁。行三跪九叩禮。  
供獻時。文官在正藍旗之末。武官在鑲黃旗之  
末。排立。隨行禮。舉哀。○是日。

恕妃

簡嬪

遜嬪金棺。五公主綵棺。一同送往。○十七日。在

陵貝勒等大臣官員俱在神石山牌坊外跪迎。俟梓宮至。舉哀候過。在後隨行。

梓宮行近大紅門外。

皇子並王公大臣官員。豫於應下馬處下馬。按翼排立。鑾儀衛大臣率校尉恭請。

靈輿暫停北嚮。

皇子於道旁遙嚮。

泰陵

泰東陵恭代行三跪九叩禮畢。

靈輿啟行。

皇子及王公百官等照舊按班隨行。

靈輿進柵欄門時。

皇子先恭俟於門外之左跪迎候過輿親引

靈輿上

神路至五孔橋時。

皇子仍先跪迎候

靈輿至親引至三孔橋換小輿處

皇子跪候換小輿畢輿在後隨行校尉恭請

梓宮由正殿中門入

皇子立殿檐東恭理奉安事務王大臣等率官校

入暫安

梓宮於正殿中。所司設帷幔五供卓牀八字牆陳

冊

寶於兩旁。奉安畢。供獻果筵。

皇子詣奠案前跪舉哀。奠酒三爵。每奠行一叩禮。  
衆舉哀隨叩。止哀興。禮畢各退。遣官告祭。

秦陵

秦東陵並

后土

永寧山之神。○十八日。行饗奠禮。內務府大臣命婦

率內管領妻恭奉

冠服篚設於供牀。工部設幕於門內之左。置奠几。陳燎牀於燎所。具楮幣。設祭文案於殿檐下。少東。饗儀衛官。校陳儀仗。恭理奉安事務。王大臣內務府總管率執事官於

几筵前。陳果筵。列饌筵於門外左右。置羊酒於幕內。讀祝官恭奉祭文。禮部堂官二員導引。由中門入。設於案出。王以下。入八分公以上。及在

陵貝勒等在大門外月臺上。按翼排立。大學士內大臣侍衛等在月臺下排立。公侯伯以下大臣官員

在東西兩配房前排立。均藍袍青褂。

皇子之福晉、公主格格等，在殿內西旁帷幄後恭候。王福晉以下姻戚婦女及在

陵居住之貝勒等夫人、大臣官員命婦夫人等在大門內正殿外西牆角排立。屆時

皇子青袍青褂，冠綴纓，由左門入，登左階，至正殿外東旁立。舉哀，衆隨舉哀，獻茶進膳畢，執事官進奠几，讀祝官恭奉祭文於檻外正中北面跪，禮部堂官二員跪於兩旁，恭展祭文。

皇子詣奠案前跪，衆隨跪，止哀，讀文畢，復舉哀。

皇子奠酒三爵。每奠行一叩禮。衆隨叩。止哀興。徹奠。

皇子退立於左。讀祝官恭請祭文。禮部堂官二員前導。送至燎所。授首領太監接奉。俟立於左。衆皆迴避。內務府大臣命婦內管領等妻恭奉。

冠服篚由中門出。首領太監前引。

皇子跪。候過興退。

皇子之福晉隨行。集序之夫人命婦等皆於原排立處跪。候過興。隨行至燎所。安祭文。

冠服篚於燎牀上。

皇子之福晉跪。衆隨跪。舉哀。命婦跪進爵。

皇子之福晉奠酒三爵。每奠行一叩禮。衆隨叩。止  
哀興。饗奠禮畢各退。所有

梓宮行罩鳳輿傘轎車幃等項。俱同楮張焚化。車放於  
空處。任其朽爛。儀仗存留。俟奉安前一日致祭  
後焚化。○是日午時。

神牌書寫婦青。

欽派滿漢大學士各一員。朝服行禮如儀。○十九日。以

二十二日

梓宮奉安。遣官告祭

天

地

太廟後殿

奉先殿

社稷。○二十一日。行遷奠禮。讀文齊集。陳設禮儀。與饗

奠同。祭畢。安祭文。

冠服篚於燎牀上。暫停焚化。王福晉以下豫往

方城西旁立俟。王以下各官仍於原排立處排立。執事

人等豫徹几案五供等項。執事王大臣率屬祇

俟。屆時。

皇子詣

梓宮前舉哀。奠酒三爵。每奠一叩。衆舉哀。隨叩畢興。

皇子退立於丹陛之左。執事者入殿恭請

梓宮由中階下。循殿東行。

皇子跪候。過興。豫入左門。

梓宮登餞橋。由中門入。

皇子於左旁親引。登平臺。暫安

梓宮於

蘆殿正中。登龍輅。北嚮。解去圍緞等項。所司設

几筵陳

冊

寶畢。

皇子詣

梓宮前舉哀。奠酒三爵。每奠一叩。衆舉哀隨叩。止哀興。皇子退。衆皆退。是日。

仁宗睿皇帝恭謁

泰陵

泰東陵禮畢。

駕至西正峪幄次。更常服。乘輿詣

太平峪。由中門入。至正殿少憩。更青褂。乘輿由正

殿右進西琉璃門。至

方城前階上降輿。

皇子跪迎。

仁宗睿皇帝至。

蘆殿內。西北東嚮坐。首領太監跪進爵。

仁宗睿皇帝執爵三奠。

皇子跪於

御座後。每奠行一叩禮。眾俱隨叩。奠畢。止哀興。

仁宗睿皇帝乘輿至。

妃園寢。

賜奠畢。還行宮。鑾儀衛大臣率執事人等恭請儀仗。至燎所。一同焚化。○二十二日卯時。行奉安禮。各執事咸備。內外齊集如儀。

仁宗睿皇帝乘輿詣

太平峪。入中門。由正殿右進西琉璃門。至

方城前階上降輿。

皇子跪迎。

仁宗睿皇帝至

蘆殿內。西北東嚮坐。首領太監跪進爵。

仁宗睿皇帝執爵三奠。

皇子跪於

御座後。每奠行一叩禮。衆俱隨叩奠畢。止哀興。

仁宗睿皇帝至正殿少俟。屆時。執事官恭奉

梓宮御龍輜。循隧道木軌入

地宮。太監執鐙前導。

皇子青袍青襪。冠綴纓。於左旁恭引。應行執事王

大臣隨入敬視。永安

梓宮於

寶牀上。奉

冊

寶大臣恭奉

冊

寶陳設於左右石几上。執事者以龍輜木軌出。恭理奉  
安事務王大臣奏請

仁宗睿皇帝駕臨看視畢。至祭臺前西嚮坐。首領太監  
跪進爵。

仁宗睿皇帝執爵三奠。

皇子跪於

御座後。每奠行一叩禮。奠畢。止哀興。禮成。

仁宗睿皇帝至正殿。更常服。

回鑾詣行宮。○遣官告祭

泰陵

泰東陵

后土

永寧山之神。○二十三日。

皇子詣

地宮前。行三跪九叩禮畢。回京。○道光元年三月二十三日。奉安

仁宗睿皇帝梓宮於

昌陵。恭加上

孝淑端和仁莊慈懿光天佑聖睿皇后尊諡。

冊

寶隨入

地宮。其

神牌還京升祔

太廟。

詳見升祔事例。